



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-1307/14

Datum: 03.07.2014. godine

Na osnovu ciljeva iz Strategije razvoja Općine Tešanj 2018 i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik raspisuje

**JAVNI POZIV ZA MLADE
za učešće u Programu za pisanje projekata**

Program za pisanje projekata (u daljem tekstu: Program) predstavlja obuku namijenjenu mladim osobama od 15 do 35 godina starosti, koje žive na području općine Tešanj i koje su društveno aktivne (kroz rad udruženja građana, neformalnih grupa i slično).

Polaznici/ce Programa će proći obuku za kvalitetno i efikasno planiranje i upravljanje kulturnim i sportskim projektima i aktivnostima, koji obuhvata cjelokupan proces od odabira i razvoja projektne ideje, izrade projektnih prijedloga, izradu tenderske dokumentacije sve do konkretne implementacije projekata u skladu sa LOD metodologijom, koja nosi veliki broj izazova.

Program obuke je kreiran na način da će se kroz obuku razrađivati konkretne projektne ideje sa aktivnostima. Na kraju obuke će se izabrati do dvije najbolje projektne ideje (jedna iz oblasti sporta i jedna iz kulture), koje će uz podršku Općine Tešanj, biti implementirane do kraja godine tako da će polaznici/ce Programa pored stečenog teoretskog znanja imati i praktični dio gdje će stečeno znanje moći primijeniti. Obuka će se vršiti paralelno iz sportskih i kulturnih oblasti sa po 10 do 15 učesnika iz svake oblasti u zavisnosti od ocjene prijava.

Program se bazira na razvoju i unapređenju teoretskih znanja i praktičnih vještina pisanja i vođenja (upravljanja) projekata po LOD metodologiji, a u skladu sa kapacitetima i potrebama udruženja i neformalnih grupa, kriterijima donatora i potrebama lokalnih zajednica odnosno njenih građana.

Učešće u ovom Programu obuke je od značaja kod učešća u javnim pozivima za finansiranje projekata iz Budžeta Općine Tešanj.

Program obuhvata sljedeće teme:

1. Komunikacija i timski rad (analiza i procjena organizacijskog menadžmenta),
2. Lokalna zajednica i strateški razvoj kulture i sporta na području općine Tešanj,
3. Indikativno programiranje i identifikacija projektne ideje
4. Formulacija projektne ideje - I dio (matrica logičkog okvira, plan aktivnosti i budžet/proračun)
5. Formulacija projektne ideje - II dio (aplikacija, prateća/pravna dokumentacija)
6. Namicanje finansijskih sredstava (instrumenti i izvori su/finansiranja)
7. Upravljanje projektnim ciklusom (finansijsko – administrativno poslovanje, promocija projekta u javnosti, monitoring i evaluacija i dinamika donošenja odluka)

Kandidati moraju proći najmanje 6 od planiranih 7 tema kako bi dobili uvjerenje o završenom programu obuke.

Prijave je potrebno slati na email adresu: mirnes.dedukic@opcina-tesanj.ba.

Rok za podnošenje prijave je 31.07.2014. godine.

Dostavljeno:

1. Mediji
2. Arhiva

**OPĆINSKI NAČELNIK
Mr. Sc. Suad Huskić, profesor**

